

**ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀՅՈՒՍԻՍԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
Ո Ր Ո Շ ՈՒ Մ**

վարչական գործի վարույթը կարճելու մասին

04 դեկտեմբերի 2023թ.

ք.Գյումրի

Ես՝ Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հարություն Ազգալոյանս, քննելով Ուկրաինայի Հանրապետության քաղաքացի Անդրանիկ Առակելյանի (անձնագիր՝ FG419235, ծնված՝ 23.12.1971թ., հասցե՝ Ուկրաինայի Հանրապետություն, Խարկովի մարզ, Չոլոչևսկի շրջան, գյուղ Բուզաի 2) կողմից մաքսային կանոնների խախտման վերաբերյալ գործը.

Պ Ա Ր Ձ Ե Ց Ի

Անդրանիկ Առակելյանը (Andranik Arakelian) 17.11.2022 թվականին թիվ 05100022/171122/0000749553 մաքսային մուտքի օրդերով 365 օր ժամկետով՝ մինչև 17.11.2023 թվականը ՀՀ տարածք է ներմուծել VOLKSWAGEN CADDY մակնիշի, AX4813IT հաշվառման համարանիշի, WV2ZZZ2KZCX091935 նույնացման համարի, 2011 թվականի արտադրության ավտոմեքենա, սակայն խախտել հետագա արտահանման պարտավորությունը:

Փաստի առթիվ ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի 2-րդ բաժանմունքի մաքսային տեսուչ Մ.Բայրուրտյանի կողմից 01.12.2023 թվականին Անդրանիկ Առակելյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտման հատկանիշներով:

«Մաքսային կարգավորման մասին» ՀՀ օրենքի 309-րդ հոդվածի 1-ին մասի համաձայն՝ ֆիզիկական անձանց կողմից հետագա արտահանման պարտավորությամբ Հայաստանի Հանրապետություն ներմուծված անձնական օգտագործման տրանսպորտային միջոցները սահմանված ժամկետում Հայաստանի Հանրապետությունից չարտահանելը, եթե հետագա արտահանման պարտավորությունը խախտվել է ավելի քան տասն օրով՝ առաջացնում է տուգանք՝ ֆիզիկական անձանց կողմից այդ տրանսպորտային միջոցներն ազատ շրջանառության համար բաց թողնելու նպատակով ներմուծելու համար նախատեսված մաքսային վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) մեծության տասը տոկոսի չափով, բայց ոչ պակաս, քան երեսուն հազար դրամի չափով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության 04.12.2023 թվականի թիվ Ն/2-4/230893-2023 գրությամբ տրամադրված տեղեկությունների համաձայն 17.11.2022 թվականին Անդրանիկ Առակելյանը Բավրայի սահմանային անցակետով ՀՀ է ներմուծել VOLKSWAGEN մակնիշի, AX4813IT

հաշվառման համարանիշի ավտոմեքենա, որը 22.03.2023 թվականին Բագրատաշենի մաքսային կետով արտահանել է ՀՀ-ից:

Այսպիսով, վարչական վարույթի նյութերով հիմնավորվում է, որ Անդրանիկ Առակելյանի գործողություններում բացակայում է իրավախախտման դեպքը:

Հիմք ընդունելով ՀՀ Վարչական իրավախախտումների վերաբերյալ օրենսգրքի 32-րդ և 234-րդ հոդվածները, «Մաքսային կարգավորման մասին» ՀՀ օրենքի 309-րդ, 322-րդ և 334-րդ հոդվածները.

Ո Ր Ո Շ Ե Ց Ի

1. Անդրանիկ Առակելյանի նկատմամբ վարչական գործի վարույթը կարճել իրավախախտման դեպքի բացակայության պատճառաբանությամբ:
2. Որոշման մասին հայտնել Անդրանիկ Առակելյանին:

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ՀՅՈՒՍԻՍԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ
ՊԵՏ' ՀԱՐՈՒԹՅՈՒՆ ԱԶԳԱԼԴՅԱՆ

